

# Idi Egaga—Eme Who ti Ru?




# 1

Whọ rrọ epati whọ tẹ ruẹ nọ te emaha nọ u fo nọ a rẹ da idi egaga ha a be dà ọvọ.

## Eme who ti ru?

**DAJI  
WHO  
RORO**

EME NỌ EBAIBOL Ọ TA: “Ohwo owareghẹ ọ ruẹ ese o re siomano, rekọ ogbori o re zue ruẹ, ọ vẹ ruẹ uye riẹ.”  
—Itẹ 22:3.



**Roro kpahe ẹme nọ Ebaibol ọ ta na rọ kẹ iyo enọ nana.**

Eme ọ rẹ sae via otẹrọnọ whọ gbẹ nya no epati na ha?

---



---

Ẹvẹ whọ sae rọ rehọ areghẹ rehọ oma re a gbẹ hwẹ owhe hẹ?

---



---



---

Kọ ehwe i ti **bru ola** họ owhe oma?

---



---

## RU ONANA

Ta kẹ ọsẹgboni ra re a se hayo vi uwou se owhe re whọ rọ ẹruoke kpo.

Oware nọ me ti ru otẹrọnọ mẹ rrọ epati nọ ahwo a be jọ da idi vrẹ oma:

---



---



---



---



Ohwo jọ ọ be gba owhe  
họ da udi.

**Eme who ti ru?**

**DAJI  
WHO  
RORO**

EME NỌ EBAIBOL Ọ TA: “Whai yọ erigbo kẹ ọnọ wha bi yoeme kẹ na.”  
—Ahwo Rom 6:16.

**Roro kpahe ẹme nọ Ebaibol ọ ta na  
rọ kẹ iyo enọ nana.**

Eme ọ rẹ sae via nọ whọ tẹ be ta ẹme wọhọ  
ohwo nọ ozọ u bi mu?

---



---

Who te wo ẹme-obọ, ẹvẹ o sai ro fiobọhọ kẹ  
owhe nọ a te bi tu owhe họ ru oware nọ u  
woma ha?

---



---



---

**RU ONANA**

Ruẹẹ ẹme nọ whọ te ta kpahe  
evaọ ẹruoke. “Eme nọ o re no omẹ  
unu ze họ, ‘Ijo, mẹ te da obonana  
ha.’ O rẹ lẹlẹ ahwo na kẹ omẹ uvẹ,  
a gbẹ nọ omẹ vrẹ ere he.”—Brianna.

Eme nọ mẹ te ta nọ ohwo jọ ọ tẹ be gba  
omẹ họ da idi:

---



---




---

# 3

Whẹ avọ egbenyusu ra wha kpohọ oria  
yọ edraeva rai ọ ruọ ọgọ no.

## Eme who ti ru?



### DAJI WHO RORO

EME NỌ EBAIBOL Ọ TA: “Ọnọ ọ nya lele ahwo owareghe o re wo areghe,  
rekọ usu igheghe o re nwa ohwo oma.”  
—Itẹ 13:20.

### Roro kpahe ẹme nọ Ebaibol ọ ta na rọ kẹ iyo enọ nana.

Eme ọ re sae via nọ whọ tẹ kẹ ohwo na uve nọ  
ọ wọ owhai kpo?

---

---

Eme ọfa whọ re sai ru?

---

---

---

Ẹve oware nọ who ti ru o sai ro fiobọhọ kẹ  
edraeva na gbe amọfa?

---

---

---

## RU ONANA

Whaha uyero kpobi nọ o re lẹlẹ  
edraeva nọ a riẹ nọ ọ re da idi re  
ọ wọ owhe. Ma omaa nọ whọ rọ  
ruọ omoto ọfa.



Oware nọ me ti ru otẹrọnọ edraeva nọ ọ  
wọ omẹ ọ be da idi:

---

---

---